



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmma Bvllarii Earvmve Svmmorvm Pontificvm  
Constitvtionvm Qvae Ad Commvnem Ecclesiae Vsvm post  
volumina Iuris Canonici, vsq[ue] ad Sanctissimum D. N.  
D. Pavlvn Papam V. emanarunt**

**Quaranta, Stefano**

**Venetiis, 1619**

Matrimoniales dispe[n]sationes.

**urn:nbn:de:hbz:466:1-10793**

## MATRIMONIALES DISPENSATIONES.

**I**N contrahendis matrimonijs vel nulla omnino detur dispensatio, vel raro, idque ex causa, & gratis concedatur. In secundo gradu nunquam dispensetur, nisi inter magnos Principes, & ob publicam causam. Verba sunt Conc. Tridentini sess. 24. de reform. matrim. c. 5. in fine.

Hinc sciendum, quod causæ, quæ hodie in praxi versantur in Romana Curia, pro quibus dispensationes ad contrahenda matrimonia conceduntur, sunt infra scriptæ, videlicet.

*Propter dotem.*

- 1 Quod cum oratrix dotem habeat minus competentem iuxta status sui conditionem, cum qua virum sibi non consanguineum, vel affinem paræ conditionis, cui nubere possit inuenire queat, & dictus orator intendat illam cum dicta minus competente dote in vxorem ducere.

*Pro muliere indotata.*

- 2 Quod cum dicta oratrix indotata existat, & dictus orator illam si indotatam, in vxorem ducere, ac vsque ad quantitatem secundum oratricis qualitatem competentem ex integro dotare intendat.

*Propter angustiam loci.*

- 3 Quod cum dicta oratrix in dicto loco propter illius angustiam virum sibi non consanguineum, vel affinem, paræ conditionis, cui nubere possit, inuenire nequeat.

*Propter angustiam locorum, quando Oratores sunt ex duobus locis. orti.*

- 4 Quod cum dicta oratrix in dictis locis, etiam de vno ad alium se transferent, propter illorum angustiam virum sibi & c. nequeat.

*Clausula etsi extra.*

- 5 Et si extra dictum locum, vel dicta loca nubere cogeret, dos quam ipsa habet, non esset competens neque sufficiens, vt cum ea virum, cui iuxta status sui conditionem nubere posset, inuenire valeret.

*Propter inimicitias.*

- 6 Quod eam inter dictorum Oratorum parætes, consanguineos, vel affines graues inimicitia ortæ iam sint, & ad præsens vigeant, aliunde tamen quam ex causa matrimonij inter Oratores contrahendi prouenientes, & ante illius tractatum exorta, & certum sit, quod si Oratores prædicti inuicem matrimonialiter copularentur, inimicitia huiusmodi omnino componerentur. Pro illis igitur componendis, ac pro bono pacis Oratores prædicti cupiunt &c.

*Propter*

*Propter lites.*

- 7 Quod cum inter dictos Oratores, seu eorum parentes lites super rebus magni momenti ortæ iam sint, & ad præsens vigeant, lites huiusmodi omnino componerentur, pro illis igitur &c.

*Pro confirmatione pacis.*

- 8 Quod cum alias inter dictorum Oratorum parentes, confar guineos, vel affines graues inimicitie vigerint, aliunde tamen, quam ex causa matrimonij inter Oratores contrahendi, prouenientes, & ante illius tractatum exorta, & licet inter ipsos pax de recenti inita fuerit, nihilominus pro illis firmiori confirmatione Oratores prædicti cupiunt, &c.

*Pro Belgis.*

- 9 Quod cum Oratores prædicti nouerint se Fidei orthodoxæ cultores, ac Deo dante, sub obedientia S.R.E. viuere intendant, & in illis partibus, in quibus multi hæretici existunt, ne contingat eos cum hæreticis contrahere, cupiunt &c.

*Pro habitatricibus locorum situs ad litus maris.*

- 10 Quod cum dictus locus ad litus maris situs cõtinuis inuasionibus pyratarum, & Fidei orthodoxæ hostium, expositus sit, propterea externi homines non ita libenter, vt cum dicti loci habitatricibus contrahant, eo accedere velint, cupiunt &c.

*Pro Oratrice excedente 24. annum.*

- 11 Quod dicta Oratrix vigesimum quartum annum excedēs, hæctenus virum paræ conditionis, cui nubere posset, non inuenit.

*Causæ infamie, quando adest carnalis copula.*

- 12 Cum autem, Pater Sancte, nisi matrimonium inter Oratores contrahatur dicta Oratrix innupta, & diffamata remaneret, grauiaque exinde scandala posset verisimiliter exoriri.

*Quando Oratores contraxerunt seruata forma Concilij, & consummarunt, detecto que impedimento, abstinerunt.*

- 13 Quod ipsi alias ignorantes aliquod impedimentum inter eos existere, quo minus possent inuicem matrimonialiter copulari, matrimonium inter se per verba de præfenti publice factis proclamationibus in eorum parochiali Ecclesia, iuxta formam Conc. Trid. nulloq; detecto, neque denunciato impedimento contraxerunt, illudq; in facie Ecclesiæ solennizarunt, & carnali copula consummarunt, postmodum vero cum ad eorum peruenit notitiam, eos quarto cõsanguinitatis gradu

gradu inuicem esse coniunctos, propter quod a carnali copula huiusmodi abstinerunt; Cum autem, Pater Sancte, Oratores prædicti in huiusmodi matrimonio remanere non possint, absque Sedis Apostolicæ dispensatione, & si diuortium inter eos fieret, grauia exinde scandala posset verisimiliter exoriri, supplicat &c.

Quibus expletis, rursus sciendum est, quod praxis Romanæ Curia, pariterque sacra Concilii Congregatio censuit, quod dispensationes factæ non expressa copula habita inter consanguineos, vel affines, etiam post commissionem Rom. Pontificis factam Ordinatio de dispensando, ante tamen quod ab ipso dispensetur subreptitiæ sunt, & nullæ prout de viroque testatur Io. Gurier, lib. 1. can. q. 6. 15. rub. nu. 24. & Apostilla ad cons. 9. Nauar. de consang. & affin. in nouis, ac declarationem ad literam etiam refert Petrus de Ledesma de magno matrim. Sacram. q. 56. art. 5. conclus. 4.

Item non erit vulgariter notandum, quod dispensationis gratia ad validandū matrimonium nulliter inter coniunctos intra quartum consanguinitatis, vel affinitatis gradum contractum, & ad prolem legitimandam concessa, quoniam continet duo æque principaliter, videlicet mandatum de dispensando, vt illi qui nulliter, & de facto contraxerunt, manerent in matrimonio contracto, & potestatem legitimandi prolem, licet quo ad matrimonium non potuisset effectum habere, propter superuenientem mortem alicuius ex parentibus, valebit tamen ipsa gratia, & debet executioni madari quo ad legitimandam prolem, prout in vna Siracusan. illegitimitatis, die, 19. Octobris 1573. resolutum fuit in Rota Rom. coram Hippolyto Aldobrandino, tunc Rota Auditore, postea Summo Pontifice Clemente Octauo, decis. 207. diuers. p. 1. per cons. Ancharani 409. & aliam eiusdem Rota decisionem, teste Puteo decis. 483. incip. Mathæus Gabella, lib. 2. quod nota propter propter præiudicium venientium ab intestato.

## M E D I C V S.

**P**RÆTER Summissas in hoc verbo sciendum est, quod vltra decretum Concilii Lateranensis relati in cap. cum infirmitas, de penit. & remiss. adest Constitutio Pii V. Romæ publicata die 11. Mart. 1566. fol. ... in Bullar. tenoris sequentis.

Supra gregem dominicum nostræ vigilantia diuinitus creditum vigilis speculatoris, prout nobis desuper conceditur, exercentes officium, ad ea per quæ animarum saluti cum diuini nominis gloria consuli valeat libenter intendimus, vt Christi fideles post Baptismum in peccata lapsi, per sacramentum penitentia Deo reconcilientur. Sane cum infirmitas corporalis non nunquam ex peccato proueniat dicente domino languido quem sanauerat, vade noli amplius peccare, ne quid deterius tibi contingat, ac propterea prouide se. recor. Innoc. tertius prædecessor noster Medicis præceperit, vt cum eos ad a grotos vocari contingerit ipsos ante omnia moneant, vt animarum Medicos vocent, ne cum eis hoc in extrema egritudine constitutus suadetur, in desperationis articulum incidant. Nos igitur volentes hoc tam salutare præceptum nulla temporis præscriptione aboleri, sed semper obseruari constitutionem præfatam auctoritate Apostolica tenore præsentium innouamus, & hac nostra in perpetuum valitura constitutione statuimus, & decernimus quod omnes Medici, cum ad infirmos in lecto iacentes vocati fuerint, ipsos ante omnia moneant, vt idoneo confessori omnia pec-

CATA